

景祐新修法寶錄

卷八
卷九
卷十
卷十二
卷十三

景祐新修法寶錄卷第八

郡

譯經總局推恩賜高僧守亮師徒等開府儀同三司高僧在佛前兼開佛閣書院

平章事昭文館學士兼修國史種國史食邑萬石食實封壽格眉呂 齋簡等奉

勅都大衆定編修

隨譯年代區別藏乘錄中之七

歸攝藏乘略明經百一之七

二年十二月起譯經一部一十八卷

至五年四月譯成全部

佛說海意菩薩所問淨印法門

經一部一十八卷

大乘經藏收無品目會分佛

在神通境界大寶莊嚴最

勝道場菩薩宮說此中所明

淨印法門而淨印者由諸菩

薩初以宿世善根及現聞善

景祐新修法寶錄卷第八

法而用磨治彼智心寶乃至
是寶除去意中諸虛假法遠
離過失十方諸佛共所愛樂
能爲一切衆生作大饒益常
善修治大乘法船爲令衆生
到於彼岸拔諸衆生出生死
泥此爲菩薩能善磨治一切

智心寶其最勝道場者即法
界理中神通妙用真智大寶
建立莊嚴如來乃從菩薩行
位方便出生無障礙門由茲
演說菩薩行法即有下方世
界無量功德寶無垢殊妙莊
嚴佛刹之中海意菩薩來此
娑婆世界瞻禮釋迦請問淨

印三摩地法夫淨印者謂諸
菩薩滌淨初心瑩治三業練
修道行滋植衆因初心淨而
道行精三業瑩而衆因備自
凡臻聖福廣智圓此即淨印
等持深旨者也遣諸假妄
以光明如摩尼珠精治

菩薩大士踐履

證一門悟二

力極

闢解脫之正道門右

文字之性空金剛句中

別之自性護持正法稱讚佛

乘精道進心無退無屈縱大

海之枯涸設須彌之若塵水

火互容日月交墜斯緣可信
佛力難思守護力中不可動
轉故知此經是大法眼是妙
法印是勝法幢大乘要津秘
密樞奧受持流演真報佛恩
徇教修行速臻聖果者也

景祐新修法寶錄卷第八

上一部中天竺梵本所出

右三藏沙門法護惟淨譯沙

門澄珠文一筆受沙門簡長

綴文沙門紹才禪定令操

善慈惠真遇榮法凝鑒王

證義譯經使守司徒兼門

下侍郎平章事王欽若樞

密副使右諫議大夫夏竦

翰林學士承旨工部尚書

知制誥李維潤文入內侍
省內侍高品王熙素陳文

一監譯四月九日附監譯中

使齎詣

闕庭具表

上進其詞曰臣惟淨等言臣

等先自天聖二年十二月起

譯佛說海意菩薩所問淨

印法門經一部二十八卷至

今年四月譯成全部上之

十五卷已進

御訖下之三卷今

上進者伏以此經理趣冲微

宗源窈邈始

如來踞寶嚴之精刹萃海

景祐新修法寶錄卷第八

會之聖流顯瑞發祥表難
思之神力隨機應物演最
上之大乘皆影響之象龍
無中下之藥草仙音誕震
法雨霈濡敷暢靈機昭宣
性地三昧淨印妙絕於言
詮萬行真猷迴超於意識

冀茲梵籍式奉

昌辰臣惟淨等誠欣誠抃

頓首頓首伏惟

聖文睿武仁明孝德皇帝

陛下至德承乾

鴻慈育物

金輪闡化杳極於四天

玉曆調元允齊於七政而復

宅心象外

觀妙幾先

證五忍於聖階

躋羣生於壽域臣等材惟

淺陋學媿空疎備位象筵

深虞於濫吹虔心貝譯誠

効於課虛屬以序及正陽

祥開華渚仗

龍宮之寶偈仰佑

瑤圖祝

仙劫之遐齡迴同沙筭前

件新譯經謹繕寫

上進以

聞是日

恩賜如例其經

詔付有司入藏頒行

景祐新修法寶錄卷第八

八卷新刊書影

卷八

景祐新修法寶錄卷第九

景祐新修法寶錄卷第九

郡

三
議東萊閣之雅意協諸德字畫尤節倬理自關射儀司制書品儔集門侍郎與諸下

董照館大學能惟國皇
精國圖卷色萬王春寧
對韓翰眉呂 吳蘭等奉

勅都大叅定編修

隨譯年代區別藏棄錄中之八

歸攝藏乘略明經百一之八

五年十二月起譯論一部一十八卷

至八年四月譯成全部

大乘中觀釋論一部二十八卷

安慧菩薩造凡二十七品大乘

論藏收此中總明謂即諸法

不生不滅不斷不常不一不

異不來不去何故無生謂無生

性及無滅等此復云何謂以諸

法本不自生不從他生共生無

景祐新修法寶錄卷第九

性不無因生何以故生法無性
生已復生亦復無性若從佗生
又佗法不能生自眼等故知自
既不生佗性亦爾若言共生共
生亦無性以二法共生有過失
故若法無因而自生者即與阿
含教理相違若無因緣而能

生果此無道理以要言之如下
下頌云非有亦非無緣義和
合爾故知勝義諦中諸有物
體總聚差別皆悉無性善巧
智中有所生義此無過失斷
常一異去來亦然良以性本
湛然名言觀智所不及中無
定位思惟分別以皆空真空既

常假名斯立標中觀而成論
示言迹以表詮得象忘言泯虛
歸實大論淵旨其在茲乎然
而託其中以遣邊邊若離而
中廢中邊不立取捨奚存無
取捨中熾然開示覺照實義
設以中言照覺對祛即無言

境所以世俗皆有勝義皆空有
且非常空且非斷是知假因緣
而稱有有本性空離性相以
名空空非相滅滅空爲病取
有成纏三空空而本不空萬
有有而何嘗有有空雙照性
相俱融生滅斷常本際窮而
無迹去來一具真智照以無

方大覺聖尊總斯清淨論初
歸信祈萬德之覺尊品次彰
明統一真之要義諸佛出世
妙啓權方便使含生同歸性
地達佛心者體生佛之一致
昧佛心者滯空有以差分其
或照悟本靈開通實際解不

言之常說知妙用以無爲即
有常空去去去而無去即空
常有來來來以無來來去一
如深深深而奚狀存亡萬化
生生生以無從是故託以言
詮顯談中觀龍樹大士製本
論而啓端安慧智雄造末釋
而暢理本末互顯探賾精微

景祐新修法寶錄卷第九

落落義天廓太虛而煥若滔
滔智海湛性水以凝然大矣斯
文利生津濟確乎實融真俗
之指歸窮其源破中邊之滯
執深固幽遠寔大乘之奧旨者歟
上一部中天竺梵本所出
右三藏沙門惟淨法護譯沙

門文一筆受沙門簡長綴文

沙門法凝禪定令操善慈惠

真遇榮鑒玉志純鑒深清

才慧濤潛政證義樞密副

使刑部侍郎夏竦潤文入

內內侍省內侍高品陳文一監

譯是月八日監譯中使引

三藏等詣

承明殿捧所譯論具表

上進其詞曰臣惟淨等言臣

等先自天聖五年十二月

起譯大乘中觀釋論一部

十八卷至八年四月譯成全

部上之十五卷已進

御訖下之三卷未經進獻

譯梵從華研精覃思式伸

微効庶集

鴻禧荐逢

鳴社之辰仰祝

後天之筭臣惟淨等誠虔誠

恪頓首頓首伏以真乘寥廓

理超名相之端了義淵凝意

出有無之表非夫異哲罕

景祐新修法寶錄卷第九

究深源是乃龍樹興慈闡幽
微而作範安慧開物索隱奧
以釋紛性相交融空有雙辯
卓然中道迪彰照實之權
煥爾祕詮茂暢惟心之旨機
緣所遘流行有時懿乎微
密之文適會

亨嘉之運恭惟

聖文睿武仁明孝德皇帝

陛下龍華出世

鳳曆膺期

十善之風躋懷生於仁壽

依之化誘庶彙於

正真

視政穆清運

神機而天縱

問安

長樂稟

慈誨而日新

丕緒昌隆

皇猷昭赫臣等才非八備

學昧三乘叨膺傳譯之司

莫副

東求之命今則風薰肇序

日夢儲祥敢憑梵誅之文

上續

仙椿之壽前件新譯論謹

繕寫

上進以

聞是日

上慰撫恩賜如例其論

詔付有司入藏頒行

八年十二月起譯經一部十二卷至明

道元年四月譯成全部

金色童子因緣經一部十二卷

其經西方聖賢集收所有

譯人筆受進

御年月等見本集

景祐新修法寶錄卷第九

卷之九

卷之九

卷之九

卷之九

景祐新修法寶錄卷第十

上闕一紙八行

菩薩於色受想行識中隨

其言說即生取著作用而行

如是行者是行有身見亦復

行於有愛若或離有尋求而

有所行是於色受想行識中

隨其言說不生取著是爲善

了知相是菩薩速證阿耨多

羅三藐三菩提果又佛言須
菩提若菩薩起心欲住平等
界中於諸色法起信解時即
二中二而有所得是菩薩於
諸色中不正說法何以故以
所信解色與能信解色無有
異相若有異相者即一切衆

生平等法中有差別相是故
菩薩當如是見如是見者即
無異相可見此中所說是義
明顯菩薩若能如是善開覺
時諸有所說是爲正說受想
行識亦復如是又復廣明十
波羅蜜如理相應乃至最後
又云須菩提菩薩於色法中

應當了知空無相無願三摩
地謂於色中觀無性空性空
亦然本性空亦然諸所緣事
皆當安住心一境性受想行識
亦復如是夫自性本明無開
無覺覺明垂照有智有明運
權化於十方湛真靈於一體

存亡無迹取捨兩空落落聖
天圓鑑清淨滔滔法海般若
無知知所不知得所不得無
得之得菩薩於焉證涅槃無
知之知如來所以成正覺有從
緣有緣性本空空自緣空即
空成有有空標稱徒勞文字
之筌罟理智融真無離文字

之解脫般若有五謂文字眷
屬相應觀照實相五也空即
是色寂而常照目實相也色
即是空照而常寂謂觀照矣
色空無礙性相一如乃眷屬相
應文字三也瓔珞經云一心三
觀其斯之謂歟統其妙故錄

起萬形覈其要乃搜源即冥
冥寂緣形孰分定位眞所謂
寂然不動法身譬若太虛感
而遂通應物同乎水月開覺
自性其在茲焉

上一部中天竺梵本所出

右三藏沙門惟淨法護譯沙

門文一筆受沙門遇榮綴文

沙門法凝鑒深慧濤善慈

潛政清滿善初義崇證義

樞密副使尚書左丞夏竦

潤文入內內侍省內西頭供

奉官黃元吉陳文一監譯

是月八日監譯中使引三

藏等詣

端明殿捧所譯經具表

上進其詞曰臣惟淨等言

臣等自明道元年十二月

起譯佛說開覺自性般若

波羅蜜多經一部四卷至

今年四月譯成全部上之

二卷已進

御訖下之二卷今始圓成

像法流芳溥被三輪之蔭

華宮啓譯緬欽雙柰之祥繁

無緣之大慈暢

真如之祕典發揮

慧日莊嚴度門繼揚

般若之詮允屬

亨嘉之運臣惟淨等誠欣

誠抃頓首頓首竊以斯經
者趣由觀察宗極真常融
五蘊於性源廓三空於智
境異宣大部之要該明最
上之乘被菩薩機開衆生
慧言周五百之頌理圓四
印之文夙奉翻傳聿終篇帙
旋資祕藏式廣未聞恭惟

睿聖文武體天法道仁明

孝德皇帝陛下肅秉

乾符端臨

法辰繼

大明而委照保

鴻慶以御圖

茂德隆於百王

緒業光於

列聖克勤克儉

允武允文誕敷

淳懿之皇猷旁

眷真空之妙道

恢崇象譯增足

琅編百等莫究義天禾躋

智地徒紹西明之職誤叨

南面之知今者幸遇

星渚騰輝封人獻祝荐樂

開祥之旦虔傾頌

聖之心寅仗金文上資

睿筭前件新譯經謹繕寫

上進以

聞是日

上慰撫恩賜如例其經

詔付有司入藏頒行

景祐新修法寶錄卷第十上資

景祐新修法寶錄卷第十二 郡

譯經館大德游師德學亮即攝官開府儀同三司書省僕射兼侍讀學士

重刊經史館監修國史樞密院學士萬壽宮觀音殿住持 處簡等奉

勅都大叅定編修

隨譯年代區別藏乘錄中之十一

歸攝藏乘略明經旨一

聖賢集傳華竺類例二

嗣續興崇譯場詔令三

聖賢集傳華竺類例二之一

西域梵本翻譯一

東土聖賢著撰二

西域梵本翻譯一

天聖八年十二月起譯金色童子因

緣經至明道元年四月譯成全部

金色童子因緣經一部十二卷

景祐新修法寶錄卷第二十

無品目會分是佛滅後尊者
阿難以小乘因緣集成其文此
有二義一非釋師大覺金口親
宣故於聖賢集收二以經通五人
說故乃目爲經總其義旨者
若植施種勝報不虛清淨施
田福果無失此中所明阿難

昔於王舍城中化一商主其名
日照家財富盛與毗沙門天王
等無有異娶以上族而爲妻室
久無嗣息極生憂惱時忉利
天中有一天子天報將盡樂生
人中帝釋天主觀察知已謂
言天子王舍城中日照商主
妻室仁賢堪汝託陰天子白

言若彼商主與其妻室乃至
盡壽歸依三寶我當從命託
彼陰中時帝釋天主從天中
隱即於日照舍中處空而住
妙光照曜商主見是勝相即
時禮奉白言天主汝天聖尊
降於小舍當何教令天主答

言汝若希求有子息者應當
盡壽歸依三寶商主白言我
如尊教乃至盡壽歸依三寶
其後忉利天子謝滅天報託
陰日照商主之妻廣現瑞相後
生一子色相殊麗端正嚴好生
後二十一日廣營福事親族共
議立名金色命以八母乳哺養

景祐新修法寶錄卷第二十

育童子長立教習藝能金色
童子成長之後親近有智沙
門婆羅門等聽受道法及營
勝事日照商主於王舍城外有
一大園金色童子日往遊適或
時棲處讀誦經典乃至又明
金色童子由昔因故感現生

中阿闍世王國內有一大臣以
女人因緣加謗童子乃至最
後命將殞滅遇尊者阿難神
力救護得脫其命爾時尊者
阿難高處虛空與五百大阿羅
漢爲金色童子隨應說法童
子聞說法已有身見山高二十
峯以智金剛而悉摧破即證

景祐新修法寶錄卷第二十

須陀洹果尊者又爲阿闍世王
大臣及諸衆會宣說法要廣現
神力令諸衆會證果獲益又
明金色童子厭離生死詣尊
者所願求出家誓修梵行尊
者爲說出家之法成苾芻已
於須臾間斷諸煩惱證阿羅

漢果證是果已以宿命智諦
觀先世相續業因乃見自身
極具殊勝大福威力乃爲衆生
開發福門令生尊重即時脫
自身所著衣持用淨施以神
力故一衣脫已一衣旋出乃至廣
多積而成聚是衣金色衆覩
希奇廣徧王舍大城普施一

切其後金色尊者普爲一切
衆會宣說福因悉令開悟又
明布施修福因行克招福報
乃至阿闍世王讚歎尊者阿
難自功德力殊勝明顯復能
開發如來最上清淨教法大
威神力大哉世尊最勝知見

所宣無上清淨教法付囑尊
者大迦葉等而尊者阿難自
智慧月舒光滿空普徧照曜
如俱母陀華茂盛開發世間
憂苦熱惱侵逼尊者清淨大
雲普蔭所演妙言如甘露雨
灑潤世間咸令歡悅其後日
照商主并妻眷屬皆悉出家

俱證道果乃至尊者阿難廣
爲衆會如應說法示教利喜
作佛事已一切大衆皆發淨心
各獲善利

上一部中天竺梵本所出

右三藏沙門法護惟淨譯沙

門不動護證梵義沙門忍

吉祥證梵文沙門文一筆

受沙門遇榮綴文沙門法疑

志純鑒深慧濤善慈潛政

清滿善初義崇清才證義

樞密副使兵部侍郎夏竦

潤文入內內侍省內侍高品

陳文一黃元吉監譯是月八

日監譯中使引三藏等詣

承明殿捧所譯經具表

上進其詞曰臣法護等言臣

等先自天聖八年十二月起

譯金色童子因緣經一部

十二卷至今年四月譯成全

部其上九卷已逐次進

呈訖餘三卷今具

上進者覺樹分華大千界

蒙諸景蔭海潮發響無量

衆悟被真機猗金簡之西

臻故玉華而東啓紹恢

勝諦允屬

熙辰臣法護等誠慶誠抃

頌首頌首竊以斯經乘居

小部理彌偏於半字義環

景祐新修法寶錄卷第二十

類於貫珠善惡之業分歧
禍福之門異轍滋種子於
毗婆尸佛成利樂於妙耳
商人宗極果因文該報應
金色具體雅由淨施之心
蓮座敷榮適表知非之相
苟非翻於梵諜載以華言

曷能洞積劫之因蹟千差

之業欽逢

景運荐譚

真詮恭惟

聖文睿武仁明孝德皇帝

陛下宅道無爲

與靈合契

慶覃兆物

化浹四洲

坐堯屋以非心

垂舜裳而興治纂隆

丕緒寅尚

真慈旌

像教於鷲峯廣琅編於龍

藏奉

純禧而資

廟社衍

正智而利人天廣集

戒因克嚴

外護臣等任叨譯席學懜

空宗徒慙五失之譏詎比千

金之字慶

開祥於里社効獻

祝於封人虔貢

金文上嚴

寶筭前件新譯經謹繕寫

上進以

聞是日

上慰撫恩賜如例其經

詔付有司入藏頒行

景祐法寶錄卷第十二

景祐新修法寶錄卷第十三

景祐新修法寶錄卷第十三

郡

譯經兼潤文推忠協贊德正宣節護持昌胤傳言何書經尉卿侍郎事書

中關五行

東土聖賢著

太宗皇帝御製

妙覺秘詮一部二

右大中祥符八

文兵部侍郎兼宗正卿趙

安仁上言

先朝御製妙覺集五卷中

有論讚頌詩合錄出別行

者望以妙覺祕詮爲名鑄

板模印

詔可之

眞宗皇帝御製

法音前集指要一部三卷

右大中祥符八年十一月潤文

兵部侍郎兼宗正卿趙安仁

於法音前集中錄論一首讚

一十六首頌六首詩十一首合

成三卷請以法音前集指要

爲名鏤板模印集外別行

詔可之

注釋釋典文集一部三十卷總

錄一卷

右天禧四年春二月沙門秘

演等表請以

御製述釋典文章命僧箋注

附于大藏

詔可乃選京城義學文學沙

門簡長行肇惠崇希白鑒

深重杲鑒微尚能楚文曇

休普究禹昌永興善昇清

達祕演善初繼興希雅仲

熙省辯崇璉顯忠令操義

賢瑞王無象行圓有朋文

倚同箋注今左右街僧錄

守明澄遠譯經三藏惟淨

參詳翰林學士楊億劉筠

晏殊樞密直學士王曙同

詳覆又

詔宰臣丁謂都大叅定五

年秋書成進

御鑲板流行賜謂等器幣

衆僧師號紫衣衣服茗帛

度童行有差

注四十二章經一部一卷并序

文見
大藏

注遺教經一部一卷并序

文見
大藏

百緣經序一首

文見
大藏

右天禧二年

詔左僕射兼中書侍郎平

章事王欽若擇藏經之精妙

者鐫校鑄板模印之此三經

真宗爲之作序注釋三年

二月三藏沙門法護惟淨請

付院傳寫入藏從之

法音後集一部三卷

右景祐二年九月譯經使兼

潤文右僕射兼門下侍郎平

章事呂夷簡同潤文吏部

侍郎叅知政事宋綬於

御集中錄出勒成三卷請以

法音後集爲名編入新錄

詔從之

今上皇帝御製上

注三寶讚一部三卷

右天聖九年閏十月二十五

日遣中使陳文一齎奉付

院潤文樞密副使兵部侍

郎夏竦工部侍郎叅知政

事王曙上表曰臣等伏觀
御製三寶讚付傳法院者
臣等聞聖人之立言也理
將神俱義與天遠蓋寫意
以明道必釋理而詮源矧乃
一乘之妙門六度之奧旨事
兼儒梵學際人天不有訓

詒之文曷究蹄筌之蹟敢

緣悃款備達

凝嚴恭惟

聖文睿武仁明孝德皇帝

陛下濬哲欽明

淵泉溥博

績丕猷而履盛業叶

慈德以講政經

心契冥樞

道超冲諦爰屬

撫辰之暇益

惇務學之風

結念空宗

摘豪秘譯且謂十迴向之法

蓋常覺以湛明三歸依之

途惟大願而圓具繹爲讚
述洞厥本元布傳千柰之
園聳耀八龍之藏而黑白
之衆鑽誦其言稽

祖宗之舊聞有箋解之前
範至若六塵五蔭之別四
智三身之殊咸有造端並

當悉數矧

睿辭之授紀皆經詰之隱

微包舉頓漸之流區分真

妄之識若不條陳事實衆

會性宗將使

宸意靡能究宜禪叢無所

放仰上件

三讚伏望

聖慈特

許臣等與譯經三藏沙門

法護而下注釋頒行如此則

彌文盛美耀鷲頭之淨居

外護殊因符雞足之往記與

佛燈而比照流沙劫以垂程

悽悽丹誠伏須

允誨謹奉表陳

請以

聞於是

詔三藏法護惟淨筆受文

綴文遇榮證義法疑志純

鑒深慧濤善慈潛政清滿

善初義崇同注釋疎曙參

詳監譯陳文一黃元吉管勾

明道元年五月又

詔太常丞直集賢院李淑

太子中允集賢校理鄭戩

同檢討儒道文字注釋七月

詔中書侍郎平章事呂夷

簡都大衆定勒成三卷二

年正月奉表

上進其詞曰臣夷簡等言

臣等先奉

勅注釋

御製三寶讚者

像教東來惟

帝王所以膺付囑

聖言誕布惟

佛祖所以契機緣屬

華且之開期仰

實毫之有作夫何鄙俚

預研覃臣夷簡等誠榮誠

懼頓首頓首恭惟

聖文睿武仁明孝德皇帝

陛下聰哲凝猷

寬仁闡教奄

四輪而制世紹

二后以恢基茂宣

清淨之風慎守

盈成之業協敷

慈訓丕顯

時文乃復

結念寶乘

儲精貝典會

法宮之暇日

肆覽羣篇稽

禰廟之舊章特流

坦制繼

徇緇裳之請許歸

華藏之編中

命譯筵

俾詳句義討繹

咨於詞苑總領

委於鼎司臣等並以菲疎

繆常推擇始承

明詔共竭愚衷竊惟

宸慮所該

妙心廓照嘆

調御之力則日爲救爲歸

昂和居之倫則日不內不

外至于執持之曠寔

探真覺之源

因文見情故

語默之無曁

立義詮道故

體要而不煩邈

河漢以無涯豈管筵之可

測徒徧繙於竺部兼傳會
於儒墳悉著綱條粗分準
裁僅踰歲序始就編聯當
草具之初成幸
制決之乃定伏望

陛下荐留

宸覽務廣

度門許

班布於多方庶

恢隆於

勝利食時作傳雖謝於前

修乙夜備觀終慙於廣記

將塵衡石若寘冰淵其

三寶讚臣等今參定注釋

分成三卷隨表上

進干冒

宸嚴臣等無任歡愉榮

幸激切屏營之至謹奉

表以

聞賜

詔荅曰朕以萬方治定庶

務清閒覽花藏之微言得

金仙之大旨究其妙蘊蓋
本於一乘濟乎有情爰分
於三寶因爲讚述用導

化源乃命台衡俾加訓解

而能率其官屬逮彼緇流

研覃旣盡於指歸綜緝遂

成於編帙尋觀奏御願廣宣

揚顧論撰之辭多慙疏略

稽發明之意備極精微垂
之不刊斯誠有補欽嘉攸
至寤寐不忘所進知衆定

注釋官及衆僧

恩錫有差讀文鏤板摸印

賜宗室近臣各一本

景祐新修法寶錄卷第十三